


Wiener Stadt-Bibliothek.

T 3286 B



Transactio super
executione Pragmaticae
Universitatem
pertinens.



TRANSACTION

INTER

ALMAM

VNIVERSITATEM
VIENNENSEM,

ET

RR. PP. SOC. IESV
COLLEGII ACADEMICI
IBIDEM,

Super executione Pragmaticæ,

FACTA

DECIMA IANVARIII

ANNO DOMINI

M. DC. LIII.



J
2
3
4



UM CÆSAREÆ MAIE-
STATI FERDINANDO SECUNDO,
pientissimæ memoriæ, Anno
millesimo, sexcentesimo, vige-
simo secundo, clementissimè
placuisse, Collegium Soc: JESV antiquissimæ
Universitati Viennensi unire, & incorpora-
re: Ut unio illa eò solidiori consisteret funda-
mento, & majori utriusq; partis animorum
consensu stabiliretur, eorumq;, quæ Univer-
sitati per eam unionem decesserunt, refusio
fieret, ac proinde hac ratione ea, quæ dissen-
sionis materiam præbere possent, remove-
rentur; visum fuit anno millesimo, sexcente-
simo, vigesimo tertio, amicabili transactione
rem componere. Conventum itaque inter
1^{mo} aliã fuit, ut Patres primò tenerentur Medicis
dare auditorium & locum pro anatomiã, ut
2^{do} olim habuerunt, ante unionem. Secundò,
locum pro congregatione Philosophorum:
3^{to} Tertiò, pro Bibliothecâ Universitatis; Quartò,
4^{to} domum pro studiosis stipendiatis, ac aliam,
a loco

5^{to} loco aurei montis pro mendicantibus. Quintò,
obligati essent, quemlibet stipendiatum sibi
6^{to} præsentatum pro triginta quinque florenis
alere per annum. Sextò, ut Collegium So-
cietatis tanquam verum & vivum Universi-
tatis membrum, supremam in Academicis
Rectoris & Consistorij jurisdictionem agno-
sceret, eaq; in Patrum Auditores, sive Scho-
lares salva maneret, prout de hoc in Pragma-
4^{mo} ticâ §.1. n.2. & 3. cautum est. Septimò, ut Stu-
diosi & stipendiati tenerentur Rectorem Uni-
versitatis, in publicis actibus & ad templum
8^{vo} comitari. Octavo, ut Professores Societa-
tis immatricularentur, & ipsi ad actum Repe-
titionis Rectorem Universitatis invitarent.
9^{no} Nonò, Catalogum Lectionum annuatim ei-
dem Rectori revidendum exhiberent. De-
10^{mo} niq; & Decimò, ut Patres pro duabus Bur-
fis, torcular & cellarium ad exprimendas
uvas, & reponendam vindemiam dare tene-
rentur..

Quia

Quia verò admodum Reverendi Patres, mutatione temporum, eò rem devenisse asseverabant, ut ea, ad quæ dicta transactio illos obligabat, adimplere ipsis impossibile esset, & ideò ea, quæ in eadem transactione definita fuerant, hætenus executioni mandari non potuerint: Ut etiam huic malo de opportuno provideretur remedio & prædicta transactio in suo vigore, quantum fieri posset, permaneret, placuit hac secundâ in perpetuum valiturâ transactione rem denuò amicè componere, ac illam posteris per hoc præsens Instrumentum memoriæ mandare.

Capita autem Compositionis sunt hæc:

Primò, ut stipendiati, qui antehac in Bursis Universitatis alebantur, deinceps, & perpetuis futuris temporibus commodam habeant habitationem: loco

illarum assignat Societas Universitati, à Societate aliàs emptum & ex fundamentis de novo constructum S. IGNATII Seminarium, situm ex opposito Scholarum, quâ parte Verdemania-
næ & Bromberianæ domui adhæret, dictisq; stipendiatis ad usum debetur, exclusâ parte alterâ, quæ per arcum plateæ distinguitur: ut ibidem quadraginta Studiosi studijs incumbere, ac habitationem commodam, & cum cæteris, pari conditione, sustentationem sufficientem habere possint.

 Via verò, pro secundo, Universitati per hoc solus usus & habitatio hujus domûs cedit, & Societati proprietas manet, omnibus, præsentibus & futuris oneribus, incommodis & casibus fortuitis ipsa Societas subjacebit, ideoq; & ipsi, non solum fartâ tectam conservare incumbet: sed etiam, si illam incendio, aut alio casu fortuito perire, vel aliâ ratione ex illorum Dominio & potestate venire contingeret, tenebitur ejus loco aliam Universitati, æquè commo-

modam & opportuno loco sitam, etiam sine onere, pro eorundem stipendiatorum usu & habitatione assignare.

Tertiò, Ex hac eadem ratione, si Societati futuris temporibus, expediret hanc domum permutare, vel quovis alio modo alienare, tenebitur priùs Universitatem requirere, & aliam utriusque partis iudicio, æquè commodam, ejus loco assignare, ac illius oneribus, incommodis, & casibus fortuitis subjacere debebit.

Quartò, Cùm Reverendo Patri Regenti, hoc tempore, impossibile sit, vigore Compositionis, Anno Millefimo, Sexcentesimo, Vigesimo quarto initæ, unum stipendiatum triginta quinque florenorum pretio alere: Conclusum fuit, quòd deinceps Universitas quidem in præfato Seminario alendos præsentare possit quadraginta Studiosos, eosque Reverendus Pater Regens

ad præsentationem ejusdem Universitatis, si-
ne omni difficultate recipere, & consuetâ su-
stentatione alere teneatur: tamen ut ad hos
triginta quinque florenos, quos Universitas ex
diversis Foundationibus percipit, addantur
pro quovis stipendiato, annuatim viginti
quinque floreni: ita ut pro quovis stipendiato,
hâc ratione, sexaginta floreni, annuatim com-
putentur.

Verum, cum ex Foundationum pro-
ventibus Universitas per annum
non percipiat, universim, nisi mille,
quingentos florenos: & census, quos in suis
domibus, ante unionem percipiebat, sint sub-
lati; pro quadraginta stipendiatis, etiam pro
quolibet computando sexaginta florenos, an-
nuatim requirantur bis mille, quadringenti
floreni: Ut hæc summa annuatim habeatur,
conclusum fuit, ut Societas de suo ducentos
annuos superaddat, & Universitas vicissim
alios ducentos in parato, quot annis, in manus
Patris

Patris Regentis enumeret. Ac præterea
Societas cum Universitate pari conatu à Suâ
Majestate CÆSAREA decem millia floren-
rum, loco ædium, Universitati ademptarum,
pro stipendiatis, assignari procuret, ut ex
hujus universæ summæ annuo censu, inte-
gros, singulis annis, habeat, bis mille, quadrin-
gentos florenos.

uintò, sustentatio horum stipendia-
torum erit ordinaria, eaque quam
apud Reverendos Patres in Seminario
alij Seminaristæ habere solent, nimirum, trium
ferculorum, præter panem sufficientem, pro
qualibet mensâ, cum sextario vini, pro quoli-
bet stipendiato: quibus etiam necessaria lecti-
sternia, cum linteaminibus, ac alijs lecti requisi-
tis, subministrare, semperq; conservare tene-
buntur. Solutio autem ejus pensionis, quam
Universitas præstare debebit, fiet in duobus
terminis, prima, nimirum, circa festum S.
Georgij, altera, circa festum S. Michaëlis.

Sextò,

SExtò, ut Medici domo, alijs Uni-
versitatis usibus destinata tandem ce-
dere valeant, Societas promittit do-
mum in angulo Scholarum è Regione Mo-
nasterij Reverendorum Patrum Dominica-
norum ædificari cæptam perficere, & quàm
poterit citissimè in usum realiter consignare:
ita ut præter locum pro conventibus Facul-
tatis Philosophicæ, congruum etiam locum
pro Anatomia, desuper Auditorium pro Le-
ctionibus Medicorum aptum: & tandem
etiam pro Bibliothecâ locum spatiosum Uni-
versitas habere possit, eiq; præfatorum loco-
rum commoditas, servatâ solâ proprietate
Societati, cedet, ac ad illa semper liberum ac-
cessum & claves habebit. Supremam verò
curam hujus Bibliothecæ habebit aliquis Pa-
trum Societatis à Reverendo Patre Rectore
Collegij designandus. Cui ab Universitate
duo saltem adjungentur, qui immediatam
curam & inspectionem gerent ac damnis

omni-

omnibus emergentibus providebunt, ipsiq;
Universitati satisfactionem præstabunt.

ET quia Septimò, uti jam dictum, proprietas hujus ædificij ad Societatem spectat, tenebitur illa, hac de causâ, ad omnia onera sustinenda, & ad ea cuncta, ad quæ ratione domûs Seminarij S. Ignatij superius se obligavit, nisi tale damnum ab ipsis met Universitatis membris fuisset illatum.

Octavò, in compensationem domûs, olim Montis aurei nuncupatæ, Societas domum Scholzianam in vico S. Joannis sitam, ut in eâ studiosi mendicantes congruam habitationem habere possint, ab omni tamen Aulæ metatâ seu quarterio, steurâ alijsq; oneribus liberam Universitati cum omni jure tradet. Loco censuum verò, qui ex monte aureo quotannis percipiebantur, centum quinquaginta florenos remittet ex stipendio, quod ab Universitate Societati

pro utrâq; lecturâ Theologicâ pendendum est. Deniq; Societas ad Universitatis instantiam pro cellario & torculari, quod olim in Aureo monte, Bursâ Rosæ & Agni sufficiens erat, substituta verò Domus Scholziana caret, per cessionem Mille octingentorum florenorum in Provinciâ sibi legitimè debitorum satis faciet. Ut autem eò minùs difficile Societati videatur, cedet ei Universitas, mille quingentos florenos de suo residuo apud officium salis hîc Viennæ.

Nonò, Societas ad concordiam inter ipsam & reliquos Academicos conservandam, pollicetur se effecturam, ut ea omnia, quæ in unione continentur, accuratè observentur; Publici pro gradu disputationum & repetitionum Actus, cum auctoritate Rectoris Universitatis, more aliarum Facultatum fiant, singulis annis Catalogus lectionum, cum subscriptione ejusdem, imprimatur, & Testimonia, quæ Decani, vel Vice-Deca-

Decani Facultatis Philosophicæ studiosis discedentibus impertiri solent, non Universitatis, sed Facultatis nomine, impofterum expediantur.

DEnique benignè promittit Societas, Studiosos Juris vel Medicinæ, in obtinendis conditionibus vel Pædagogis, non solum non impedire, sed etiam, quantum in illis erit, non secus ac alios suarum lectionum auditores, promovere. E-converso Universitas hoc publico Instrumento palàm declarat, & omnibus, quibus opus est, notificat, si prædicta omnia fideliter servantur, se à Patribus Societatis, in ulla re, nihil ulterius unquam, quovis prætextu, prætenfuram, fateturq; sibi plenè & per omnia esse satisfactum: atq; adeò eosdem Patres Societatis, ut vera & legitima membra sibi incorporata, omni amore & benevolentia profecuturam; ac contra quosvis, illegitimè

ipſos perſequentes, debitâ protectione, non ſecûs, ac alios de corpore ſuo defenſuram atq; etiam procuraturam, ut juxta laudabile eorum inſtitutum, uti hætenûs, ita & impoſterum ſcientias omnes prælegere, ac reliquos actus, juxta præſcriptum Pragmaticæ, Anno milleſimo, ſexcenteſimo, vigefimo tertio erectæ, & anno milleſimo, ſexcenteſimo quadregeſimo Cæſareâ authoritate confirmatæ, imperturbabiliter exercere poſſint, ac valeant.



Uæ omnia rata & firma, irrevocabiliter ſervare utraq; pars ſincerè promiſit, Et ut nullo unquam tempore, aut quocunq; prætextu & eventu hæc nova & amicabilis tranſactio (ut cui omnes aliæ, in quantum huic contrariæ ſunt, aut ei derogare videntur, extinguuntur & annullantur) violari queat: Pro parte Univerſitatis ſubſcribet, Dominus Ioannes Guilielmus

Manna-

Mannagetta, Primarius Practicæ Medicinæ
Professor, & pro tempore Universitatis
RECTOR Magnus: Reverendissimus Do-
minus Stephanus Zvvirschlag, Ecclesiæ Ca-
thedralis ad Sanctum Stephanum Præpositus,
Universitatis Cancellarius: Dominus Ioan-
nes Baptista Suttinger, Sacræ Cæsareæ Ma-
jestatis Consiliarius, & in Excelso Regimine
Cancellarius, Universitatis Superintendens:
Doctor Iacobus Thavonathus, Sacrorum Ca-
nonum ibidem Professor Primarius, appresso
eiusdem Universitatis Sigillo. Ex parte So-
cietatis, Superiores illi, quibus jure illorum
convenit contractus publicos firmiter erige-
re, Admodum Reverendus Pater Zacharias
Trinkellius Soc: JESV per Austriam Præpo-
situs Provincialis; Admodum Reverendus
Pater Ferdinandus Herberstein, Societ: JE-
SV Collegij Rector. Atq; etiam ab utrisq;
procurabitur, ut hæc omnia sua Sacra Cæsarea
Majestas autoritate suâ roboret, ac confir-

met. Demùm Utriq; parti tradetur Exemplar eisdem omnino clausulis ac signaturis & subscriptionibus instructum. Quod Deus Opt: Max: benè feliciterq; faxit evenire. Actum Viennæ, Decimâ Januarij, Anno millesimo Sexcentesimo, quinquagesimo tertio.

Joan. Guil. Mannagetta D. p. t. Vn. Rector.
Stephanus Zwirschlag Propos. Vien. Cancell. Vn. Rector.
Joan Baptist Suttinger D. Sacra Ces. Majestatis
Cons. Exc. Reg. Cancellarius et Vn. Superintendens.
Jacobus Tharonatus D.

Zacharias Trinebellius Sr. Jesu Propositus
Provincia Austriæ.

Ferdinandus Herberstein S. J. Coll. Rector.



Omnia et singula in hac Transactione contenta revisa et lecta sunt, atque à Ven. Cast. Sæpius examinata et ultimò tandem à publicâ Congregatione, unanimi omnium voto approbata sunt; id quod testor marius mea Subscriptionem et sigilli

101
102
103
104
105

106

107

108
109
110

111
112

113

